

Øy Nytt

Kyrkjeblad for Øygarden






*Velsigna
Julehelg!*




I dette nummeret kan du m.a. lesa:

- 30 år i teneste for Herren side 7
- Konfirmantar på leir side 9
- Julehelsing frå Afrika side 11
- Julehelsing frå ordføraren side 14



Kva for ei natt er dette¹?



I boka "Kristuslegender" fortel Selma Lagerløf om Julenatt slik ho tenkjer seg det gjekk føre seg.¹

Maria har nett fødd Jesus, og det er kaldt i den vesle hola der "den heilage familien" har funne rom.

Josef må difor gå frå hus til hus for å låne varme. Men det er ingen som svarar når han bankar på dørene i Betlehem.

Endeleg får han sjå lyset frå eit bål på marka. Mange sauer ligg og søv rundt varmen, og ein gammal gjetar passar på.

Men her er fleire dyr. Tre store hundar reiser seg og går mot Josef. Sjølv om dei ikkje gjer han noko kjem han seg ikkje fram til bålet for å få tak i kol. Han går då opp på saueryggane, og ikkje éit av dyra vaknar.

Men gjetaren er ikkje god. Han kastar den spisse kjeppen han vaktar sauene med mot Josef. Men treff ikkje.

Josef ber då gjetaren: "Kan du hjelpe meg, eg må få låne litt varme! Maria, som eg er trulova med har nett fødd ein liten gut, og eg må tenna bål for at vi ikkje skal frysa i hel!"

Gjetaren hadde lagt merke til at Josef ikke var blitt skadd av hundane og kjeppen, og at sauene ikkje hadde vakna. Så han fekk seg ikkje til å seia nei til Josef.

"Ta så mykje du treng", sa gjetaren. Bålet var no nesten brunne ned, så det var ikkje meir ved, berre ein stor haug med glør, og Josef hadde ikkje noko å bera kolet i.

Men Josef bøygde seg ned, tok det glødande kolet ut or asken berre med hendene, og la det i kappa si. Kolet svidde korkje hendene eller kappa til Josef.

Gjetaren syntest alt dette var merkeleg. "Kva for ei natt er dette?" Hundane bit ikkje, sauene vert ikkje redde, staven traff deg ikkje, og no brenn du deg ikkje på elden!"

Josef svara: "Dét kan eg ikkje seia deg! Men du kan koma og sjå sjølv!" Difor følgde gjetaren etter Josef til "hølo" der Maria og barnet låg.

Gjetaren vart rørt og tenkte han fekk hjelpe barnet. Frå sekken sin tok han fram eit saueskinn, gav det til Josef og

sa at Jesusbarnet skulle få sova på det.

Men i den augneblinken var det som han fekk sjå noko han før ikkje kunne sjå, og hørde noko han tidlegare ikkje kunne høyre.

Rundt ikring han sto det nemleg ein flokk med englar. Kvar einaste av dei hadde eit instrument som dei spelte på mens dei song ein utruleg vakker song "fred på jorda, blant menneske som Gud har hugnad i!" (Gloria), same songen vi syng i kvar gudsteneste!

Englane song høgt at Frelseren er fødd! At Han skal frelsa alle menneske frå syndene deira!

No skjøna gjetaren kvifor alt hadde vorte så annleis enn han var vant med.

Og no såg han at det var englar over alt! Ikke berre inne i hola, men på fjellet rundt, på marka, ja, til og med på vegen gjekk dei. Og dei dansa i lufta over Betlehem!

Alt dette fekk ein fattig gjetar som hadde hatt det trist, tungt og vanskeleg i livet, oppleva og sjå på Betlehemsmarkene.

Men no bøygde han seg for Jesusbarnet og takka og prisaa Gud.

Og no vil presten, som sjølv er ein fattig syndar, bøye seg for Jesusbarnet som vi i dag har lagt i døypefonten!

Selma Lagerløf sluttar forteljinga si med å seia:

Gud må óg få opna våre augo slik at vi kan få sjå Jesus!

I adventstida hadde ein liten 6-åring på ein av skulane i Bergensområdet nett høyrte denne vakre forteljinga då han berre måtte få sagt det han tenkte:

Gjetaren var ond, men han vart snill når han møtte Jesus!

"De kjenner vår Herre Jesu Kristi nåde, at han for dykkar skuld vart fattig då han var rik, så de ved hans fattigdom skulle bli rike." (2.Kor.8,9)

Velsigna Jesus-Jul!

1) Frå julaftanspreika i Øygardskyrkjene 2007: <http://www.kyrkja.net/241207.htm>

Her attgjeve etter: Framtidslandet, IKO-forlaget 1999, s.58-61. ISBN 82-71112-471-4.

E-post: svennam@hotmail.com

Josef og Jesus.

Matt.1, 18-24.

Melkittisk (arabisk) ikon frå 1700-talet



Den norske kyrkja i Øygarden

ØyNytt – kyrkjeblad for Øygarden

Utgjevar: Blomvåg og Hjelme kyrkjelydar
Redaktor: Margit LiljanApelthun
Kontingent: Min. kr 100,- pr. år innan kommunen
Min. kr 150,- pr. år utanom kommunen kr 100,-
Takkeannonser: 3628 07 02557
Kontor.: Grafisk Team AS
Layout/trykk: Hurtiglevering, Tjeldstø
Distribusjon i Øygarden: tlf. 98 66 53 29

Kyrjekontoret:

Vitjingsadresse: Helse- og tenestesenteret, Rong
Postadresse: Boks 144, 5331 Rong
Telefon: 56 38 22 40
Faks: 56 38 22 41
Vakttelefon: 56 38 22 44
E-post: kontor@kyrkja.net
Internetsider: www.kyrkja.net
Ekspedisjonstid: måndag – fredag 0900 – 1500

Tilsette:

Kontorsekretær: Kari Sandøy Rong
e-post: kontor@kyrkja.net
tlf. 56 38 22 40

Kyrkjelydspedagog

Trine Overå Hansen
e-post: kyrkjelydspedagog@kyrkja.net
tlf. 56 38 22 47

Kantor

Anne Lise Grøm
kantor@kyrkja.net
tlf. 56 38 22 45/91 88 12 08

Sokneprest

Svenn Martinsen
e-post: sokneprest@kyrkja.net
tlf. 56 38 22 44

Kyrkjeverje

Anlaug Børve, vikar for Odd N. Thomodsæter
e-post: kyrkjeverje@kyrkja.net
tlf. 56 38 22 43

Kyrkjene:

Blomvåg kyrkje: tlf. 56 38 70 22
e-post: blomvag.kyrkje@kyrkja.net
Kyrkjetenar/ Kyrkjegardsarb.: Kåre Kristoffersen
Klokkar: Mobil: 911 05 197
Ole Vik

Hjelme kyrkje

tlf 56 38 80 30
e-post: hjelme.kyrkje@kyrkja.net
Kyrkjetenar/ Kyrkjegardsarb.: Kjellaug og Raymond Vik

Råda:

Blomvåg sokneråd: Leiar: Olaug Merete Rong
Hjelme sokneråd: Leiar: Atle Dävøy
Øygarden kyrkjelege fellesråd: Leiar: Gustav Landro

Beredskapsordning for Vesthordland prosti tlf. 954 83 655

Denne ordninga gjeld berre for tenester som ikkje kan venta, slik som dødsbod og støtte i kritiske situasjonar.

Beredskapsordninga gjeld på kvardagar frå kl 1700 til kl 0800 neste dag. Laurdag og søndag gjeld ordninga heile døgeret.

Vakttelefonen for Øygarden på dagtid er som før 5638 2244.



*Inger Marie
Håskjold Pahr*



1. Eg hev ei tenesta stor for Gud
Frå dag til dag i det stille, Der
kvardagsklædi vert høgtidsskrud og
livsens småting so gilde. Ja, skal eg
eingong det store få, Eg må med truskap
i alt det små I Jesu fotefar lydig gå Og
vilja det Jesu vilde, Og vilja det Jesus vilde.
2. Når då eg spør meg kvar arbeidsdag : Kva
vilde Jesus vel gjera ? So gjev han livsmod
og arbeidslag, So livet provar mi læra. Um av
og til det vert kvardagsgrått, so det i striden gjeng
tungt og trått, Med bøn og bibel vert allting godt
for Jesus vil krafti vera.
3. I alt Guds vilje er underfull, Han hev til ordet
seg bunde, Der perlesteinar og sylv og gull til
livsens byggverk vert funne. Og når det eingong
for ålvor gjeld, Og livet prøvast skal gjennom eld,
Guds eige byggverk si prøva held. Av småting vert
storverk vunne.
4. So er mi tenesta stor for Gud, Og heimen han er
mi kyrkje, Der arbeidstrøya er presteskrud I alt mitt
ærlege yrke. So er det heime i stova fred, Til alt mitt
arbeid stig englar ned, Dei hev Guds rike velsigning med,
som dagen so er min styrke.

Denne salmen vart meg kjær alt i ungdomen. Eg nynna ofte på den i ein strevsam og utfordrande kvardag som sjukepleiar. Anten vi arbeider med sjuke eller har ei anna oppgåve i livet, så er det å vera ein tenar å gå i Jesus sine fotefar. «Med bøn og bibel vert allting godt». Slik uttrykkjer Mathias Orheim seg, og det er visst og sant. Gud gjev dagleg den kraft og styrke me treng gjennom bøn og ved Hans Ord.

Så kan vi spørja Han som skapte himmel og jord: «Kva ville vel Jesus gjera ?»

Når Guds Ord er vår rettleiar er me på trygg grunn. Jesus kom til vår jord som Rådgjevar, Veldig Gud, Evig Far og Fredsfyrste. Han har lova å vera med oss alle dagar. Guds kjærleik gjer ein glad i tenesta, uavhengig av arbeidsoppgåver.

Det er gleden i Herren som er vår styrke.

Inger Marie Håskjold Pahr

*Eg utfordrar Britt Berentsen til å skriva
«Min salme» neste gong.*

GAMLE BILETE FRÅ ØYGARDEN



Torstein Renså, Aril Sanden, Sølvi Breivik og Arne Sæle.



Laila Sanden.



Olav Bø og Martin Blom som "Sølvgutane".



Nina Forstrønen og Elin Dāvøy.

I. Thomas Celius Heiberg-Jacobsen



«Avishodet» til den siste utgåva av «Kristenfolket» redigert av J. Dahl. Avisen gjekk inn etter at Heiberg-Jacobsen døydde.

Då vår gode lensmann Bjørn Sæle i fjor rydda ut av lensmannskontoret «rett over gongen» frå kyrkjekontoret, kom han over diverse verdfullt kyrkjeleg stoff som ein av forgjengarane hans hadde teke vare på.

I dette og eit komande ØyNytt skal vi sjå litt på to av dei tidlegare prestane i Øygarden, før kalla Herdla Prestegjeld.

5. mars 2009 er det 40 år sidan sokneprest Thomas Celius Heiberg-Jacobsen fekk heimlov, 65 år gammal. I nekrologene seier biskop Per Juvkam¹:

«Sokneprest Thomas Heiberg Jacobsen avgikk plutselig ved døden... Hans bortgang vil vekke vemod i vide kretser, både blant kolleger og hans mange venner, særlig da i Bjørgvin bispedømme hvor han har hatt det meste av sin prestatjeneste.

Denne gang hadde han ligget bare noen få dager på sykehus, men sykdommen hadde han kjempet med allerede i mange år. Typisk for sokneprest Heiberg Jacobsen var det han sa, da jeg møtte ham igjen etter hans første sykehusopphold. Det var ikke sykdommen i og for seg han var mest opptatt av, men om dette ville bety at han måtte trekke seg tilbake fra prestatjenesten før tiden.



Sokneprest Thomas Celius Heiberg-Jacobsen 1904-1969.

Sokneprest Heiberg Jacobsen gikk opp i sin tjeneste med liv og sjel. Til dette bidro i høy grad hans varme menneskelighet og hjertelag for medmennesker. Han hadde et sjeldent vinnende vesen, og venner vant han også hvor han kom. Men fremfor alt var Thomas Heiberg Jacobsen grepet av Kristus, og hans livs mål og mening ble dette å være et vitne om hva han hadde fått, og hva han eiet i samfunnet med sin Frelser...»

Barndom, ungdom og studietid

Sokneprest Thomas Celius Heiberg-Jacobsen vart fødd i Haugesund og var son av kjøpmann Thomas Jacobsen og Inger Cecilie, f. Stenbro. Han vaks opp i ein sær stor familie,

heile 14 søsken var dei. Han snakka ofte om barndomen og den første ungdomstida i «silda-byen» og gav sterkt uttrykk for glede og takksemnd for at han hadde fått vekse opp i ein kristen og harmonisk heim. Når mor og far kom til kyrkja med barneflokket på søndags føremiddag, fylte dei ein heil benk. Den teoretiske utdanninga hans vart fullført ved MF i 1933.

Livsløp

Heiberg-Jacobsen hørde med til dei store prestekulla i 1930-åra, og det var ikkje lett å få fast prestateneste. Han vart ein av mange som måtte reise frå stad til stad for å gjera teneste i kristne organisasjonar og i ledige prestatillingar.

Si første oppgåve fekk han i Møre og Romsdal krins av Blå Kors i 1934. Frå 1939 og heilt til 1967 var han så redaktør for avisa til Norges Kirkelige Landslag «Kristenfolket». Det gjekk nok opp og ned med økonomien, og han hadde aldri løn for arbeidet. Når underskotet vart heller stort, «... betala han ...av eiga kasse.» Den siste redaksjonssekretæren seier om bladet si line: «Det måtte bli den kirkelige og kristelige...og etter godt ortodoks mønster.»²

Han vart landssekretær i Menighetsbevegelsen frå 1943, og i 1953 vart han utnemnd til stiftskapellan i Bjørgvin. I denne tida

styrde han ledige prestekall svært mange stader, ikkje minst på Sunnmøre, og han var i ei årrekke busett i «jugend-og indremisjonsbyen» Ålesund.

Frå Ålesund Prestegjeld har vi to vitnemål: «Han hadde slik en god evne til å komme på talefot med sine medmennesker, i alle lag av befolkningen. Han var også slik en villig og trofast tjener,- ikke minst når det galdt de små tjenester som ikke pranget for mengden. Sin forkynnelse tok han meget alvorlig for å kunne gi sine tilhørere det aller beste...³»

Den ikkje ukjende soknepresten i Ålesund på den tida, den seinare «Ishavsbispen» Monrad Norderval, sende telegram til minnestunda etter gravferda frå Herdlakyrkja mandag 10.mars:

«Uforglemmelige venn. Takk for din trofasthet i vennskap helt fra ungdommen av! Takk for din uselviske gjerning i Den norske Kirke! Jeg tror den er godkjent av Den Høyeste!»

I 1959 var han assisterande sjømannsprest ved Sjømannskyrkja på First Place, i Brooklyn, NY. Arbeidet i Sjømannsmisjonen var han seinare sterkt engasjert i.

Prest i Øygarden og Herdla

Då den omtykte sokneprest Einar Tesdal flytta frå det som då var Herdla Prestegjeld, var det nett Heiberg-Jacobsen som vart utnemnd til hans etterfølgjar i 1960.

I 1964 vart Øygarden Kommune oppretta, og i 1967 Øygarden Prestegjeld. Men sjølv om Arnulf Kvarstein då vart sokneprest her, fortel kjeldene at Heiberg-Jacobsen heldt fram som prest ved kyrkjestaden vigd til Den Heilage Nikolas⁴ til han då brått vart teken ut or tida i 1969. Det ser ut som «rest-Herdla» Prestegjeld vart lagt ned etter dette, og gjort til sokn i Askøy Prestegjeld.

Dagen-journalist Ludvig Jerdal skriv om prestenesta hans mellom oss: «I Herdla kom han snart i sær god kontakt med alle. Han var eit sjarmerande og festleg menneske og ein god ven. Han gløymde aldri ei velgjerning, og han ytte alltid mangefald att. Hjarta hans var veikt i dei seinare år, so det var rett som det var at han måtte på sjukehuset. Men han heldt ut, og han kunne, som dei gamle nordmenn, skjemta med sine sår... Han var ortodoks i teologien, og på bylgjelengd med lekmanstrørsla. Men vidsynt i beste mening.»⁵

Gravferdsdagen

Det var gamlebispen Ragnvald Indrebø som gjorde teneste ved gravferda til sokneprest Heiberg-Jacobsen. Den store Herdlakyrkja, som óg var vår hovudkyrkje i så mange år, og som mange av våre eldre frå Misje og Turøy i sør til Alvheim i nord aldri kan gløyme i glede og sorg,



Sokneprest Tor Dag Kjosavik ved Heiberg-Jacobsen sin gravplass i nærleiken av altaret og koret i Herdla kyrkje, 2007. Skriftord fra Sal.121 er sett på gravsteinen.

var då fullsett av «en andektig forsamling. Elleve prester i ornat var til stede, og (biskopen)talte inderlig over Rom.5. om rettferdiggjøring og tro, ved Jesus Kristus. En hel del var fremme og la ned kranser med takkens ord... Så var der etterpå samling i «Solrenning», et samlingslokale,... – Solen skinte så varmt, det var som om den kastet sitt lys og sin velsignelse over det hele. – Og nå hviler vår kjære venn tett ved inngangen til den kirken som ble hans siste virkeplass her på jord.»⁶

«Slik vil vi huske ham: det lyse og hjertevarme medmenneske, den helhjertede kristne, som presten hvis store livsmål var å tjene evangeliet, overfor det enkelte medmenneske og i møte med de mange.

Mange vil minnes Thomas Heiberg Jacobsen i dyp takknemlighet.

Vi lyser fred over hans minne!»⁷

*Redigert av Sokneprest i Øygarden
Svenn Martinsen*

¹ Per Juvkam i «Dagen» 17.mars 1969, og i den siste utgåva av «Kristenfolket», nr.3, 21.april 1969.

² Red.sekr. Johs.Dahl i den siste utgåva av «Kristenfolket», sjå over.

³ Georg Hopland i den siste utgåva av «Kristenfolket», sjå over.

⁴ <http://www.kyrkja.net/241207.htm>

⁵ I den siste utgåva av «Kristenfolket», sjå over.

⁶ Red.sekr. Johs.Dahl i den siste utgåva av «Kristenfolket», sjå over.

⁷ Per Juvkam i «Dagen» 17.mars 1969, og i den siste utgåva av «Kristenfolket», sjå over.

Ny biskop i Bjørgvin: Kristensosialist og humorist

Den nye biskopen i Bjørgvin bispedømme heter Halvor Nordhaug.

Av de nominerte kandidatene hadde Halvor Nordhaug (55) fått klart flest stemmer fra alle grupper med stemmerett, både nasjonalt og i Bjørgvin. Det er ikke ofte en biskopkandidat får et så overveldende tillitsvotum. Halvor Nordhaug tar over som biskop etter Ole D. Hagesæther som er gitt avskjed i nåde fra 1. januar 2009.

Drøfte viktige veivalg

– Som biskop i Bjørgvin ønsker jeg å skape møteplasser der både prestene og andre medarbeiderer kan få møte biskopen og ta del i ordskiftet om strategiske veivalg i viktige saker. Jeg ønsker at visitasene må inngå i en langsiktig, kyrkjelydsbyggende prosess der biskopen sammen med de andre medarbeiderene analyserer situasjonen og trekker opp linjer for framtiden, sier den nye biskopen.-

– Som åndelig leder vil jeg gjøre mitt til å styrke diakonien i bispedømmet. Det åndelige må ikke bli så åndelig at vi ikke ser den sosiale og kroppslige nøden rundt oss, sier Nordhaug.

Han peker òg på at han har vært aktiv i økumenisk samarbeid i mange sammenhenger, og at det har formet troen hans og teologien hans.

– Jeg vil arbeide for å styrke kristen enhet i Bjørgvin, slår han fast.

Hjertesaker

Nordhaug har mange hjertesaker. Menighetsbygging er én. Vern om skaperverket er en annen. Det samme gjelder diakoni, som Nordhaug mener er det feltet Den norske kirke er svakest på.

– Vi er gode på ord, mange av oss, og ganske gode på gudstjenester. Men vi er dårligere på å gjøre troverdige handlinger. Hvorfor er Frelsesarmeen så populær blant folk? Det er ikke fordi de har så veldig kul forkynnelse, men fordi alle vet at de gjør noe. De bryr seg.

– I kirken har vi plassert mye av dette arbeidet hos Kirkens Bymisjon. Jeg mener at vi i store grad må finne det kristne kjærlighetspråket også i lokalmenigheten, sier han.

Han har et godt forhold til alle biskopene, men ser at de ikke alltid har opptrådt like samlet som kollegium.

– Med utgangspunkt i det siste kirkemøtevedtaket om homofilisaken får

man finne en vei fremover, selv om det er et vedtak som på prinsipielt grunnlag er lett å angripe, sier han.

Lei homofilidebatten

Svært ofte er det homofili som blir det sentrale spørsmålet når mediene tar kontakt med bispekandidatene.

– Er du lei av det?

– Ja, men jeg skjønner også at det blir slik, for det handler om menneskers seksualitet og liv. Likevel skulle jeg ønske at fokus lå andre steder, for jeg tror at de egentlige teologiske skillelinjene går dypere: om det er frelse i dåpen og om mennesket er stilt slik at det må komme til en forsoning med Gud gjennom syndstilgivelsen. Vekten må ikke skyves så mye over i det politiske at frelsen fra Gud fordamper, sier han.

Synd og nåde

Forkynnelsen av synd og nåde er selve fundamentet som Halvor Nordhaug har stått på gjennom livet. Selv om han er kjent som en glad debattant og humorist, ønsker han også å vokse i troen. Hver morgen reiser han fra hjemmet med en Kristuskrans i hånda mens han ber sin daglige morgenbønn, og veldig ofte innleder han arbeidsdagen med morgenandakten på MF. – Dersom troen skal forme våre liv, må den få plass. Det du ikke gir tid, preger deg ikke, sier han.

Et regelmessig andakts- og gudstjenesteliv er derfor noe Nordhaug ønsker å legge vekt på. Det er også kristen meditasjon og opphold på retreat.

– Det å hvile i Jesu nærvær og være omgitt av Ham på alle kanter, tror jeg absolutt flere kunne hatt glede av. Det er så mye stress i livet til folk flest, sier han.

Gleden over en god debatt

Halvor Nordhaug utviklet sansen for høylydte diskusjoner som MF-student tidlig på 70-tallet. Siden har han vært en ivrig kirkedebattant.

– Jeg har lært meg at meningsdannelse skjer gjennom ordskifte. Jeg synes det er positivt å fremsette påstander for å kunne bryne meg mot andres meninger. Av og til har jeg vært i overkant bråkjekk, men da har jeg også fått så ørene flagret – vel fortjent, sier han og smiler.

Historier fra MF-kantinen på 70-tallet forteller om ringer av tilhørere rundt ivrig debatterende studenter, med blant andre Trond Bakkevig, Egil Morland, Finn Jarle Sæle, Erling Pettersen, Astri Hauge – og noen ganger også Halvor



Halvor Nordhaug ble fredag 28. november utnevnt til biskop i Bjørgvin av kirkeminister Trond Giske.

Nordhaug i sentrum. Som kristensosialist holdt han parolen «teologisk konservativ – politisk radikal» høyt, og som studentrådsleder kjempet han blant annet for likelønn for alle ansatte på MF. I studenttinget stemte han med Grønt Gras, og i 1973 drev han valgkamp for Otto Hauglin (SV) i Østfold – selv om moren var kandidat for KrF i samme fylke. – Det var nok hardt for mor at sønnen agiterte for motparten, sier han.

Bakgrunn

Halvor Nordhaug har sin teologiske utdanning fra Menighetsfakultetet. Ved siden av å bli biskop for det bispedømmet i landet som har flest sokn, blir han òg biskop for Sjømannskirken, de norske kirkene i utlandet. Han blir vigsløst til sin nye tjeneste 8. mars neste år. Halvor Nordhaug er født 26. februar 1953. Han er gift, og har tre barn. Fra 1981 til 1986 var Nordhaug tilsatt i Den norske sjømannsmisjon som prest for norske studenter i utlandet. Tjenesten innebar også gudstjenester for fastboende nordmenn i Europa. Deretter var han i fem år teologisk konsulent i Mellomkirkelig råd for Den norske kirke. Fra 1991 til 1995 var han kapellan i Ås. Siden 1995 har han vært rektor ved Praktisk-teologisk seminar ved Menighetsfakultetet.

(Hentet fra KIT og LYS OG LIV 5/2008)

Praktikumsrektor Halvor Nordhaug ble i statsråd fredag 28. november utnevnt til ny biskop i Bjørgvin. Han blir bispevigsløst i Bergen Domkirke søndag 8. mars.

Vi gratulerer!

Svenn Martinsen/sokneprest
Annlaug Børve/kyrkjeverje

Takksam for 30 år i teneste for Herren

Sokneprest Svenn Martinsen feirar i år 30 årsjubileum for sin ordinasjon i Fanakyrkja 30. august 1978. ØyNytt markerer jubiléet med ein bilet- og illustrasjonskavalkade, frå desse presteara i Forsvaret, Bud i Romsdal, Sotra og no i Hjelme og Blomvåg.

– Jesus Kristus har aldri gjort meg anna enn godt. Eg skjønar Han ikkje alltid, men Han har halde meg fast i tru og teneste. Eg vil difor gjerne trufast stå på Hans Ord og i Hans kall så lenge eg har krefter, seier sokneprest Svenn Martinsen.

Det programordet eg fekk då eg vart kalla til tenesta i Øygarden var dette, seier Svenn: «Eg takkar han som gjorde meg sterk, Kristus Jesus, vår Herre, fordi han synte meg tillit og sette meg til tenesta» (1. Tim. 1:12)

Han legg til at ein av inspirasjonane som har fulgt han gjennom prestetenesta er denne bønå av stiftsprost Gustav Jensen:

«La oss be: Herre Jesus Kristus, du som har kalt også denne min menighet til å samles med deg i dine skjønne gudstjenester og vil mette den med ditt hellige ord og ditt legemes og blods sakrament og nådig ta imot dens ydmyke takkoffer og se på det som en dyrebær sak, jeg ber for menigheten og ber for meg selv: Fyll våre gudstjenester med din sannhets Ånd, så de kan være gudstjenester i ånd og sannhet, og så at vi kan kjenne at der hvor to eller tre er sammen i ditt navn, der er du selv midt iblandt dem og velsigner dem.

Gi at vi med åpne hjerter sammen kan høre ditt ord og gå frem i sannheten ved dine hellige apostlers undervisning. Gi at vi sammen kan få motta deg i ditt dyre sakrament og i det eie ditt offer på korset og ditt liv og din rettferdighet. Og gi oss, kjære Herre, vi som tar imot alt fra deg, at vi også bringer deg vårt hjertes offer tilbake, et offer med botens salt, med bønnens og takkens røkelse, med bekjennelsens frukt til frelse, et helhjertet offer, velbehagelig for Faderen på grunn av deg. Gi så at det ved våre gudstjenester kan være et rikt samfunn, du i oss og vi i deg, og vi være ett ved deg, så vi kan smake frelsens glede og den kommende verdens krefter og prise din herlighet i ditt tempel alle vårt livs dager. Amen.»

(Etter «Indledning til prestetjenesten» (1888/1933, ny utg. v. biskop Bjarne O. Weider, 1969. Til innleiinga av denne bønå står Salme 27,4, og Ap.gj. 2,42.)



Frå ordinasjonsgudsteneste Fana kyrkje 300878.

Bakerst: Sokneprest Otto Odland, Garnisonsprest Terje Løvstad, Res. Kap. Stein Eirik Foss, Res. Kap. Asle Dingstad, Res. Kap. Tor H. Nielsen.

Framst: Prost Olav Fjose, Sokneprest Ingvard Hageberg, Sokneprest Audun Brommeland, Domprost Karl M. Vikse. Biskop Thor With sitt helsingsord til ordinanden var Joh. 3:30: «Han skal veksa, eg skal minka.» (Foto: Ronny Søvik)



Inngangsprosesjon ordinasjonsgudsteneste Fana Kyrkje 300878. (Foto: Ronny Søvik)

(Fotografert av sokneprest Svenn Martinsen)
 Herre Jesus Kristus, du som har kalt også denne min menighet til å samles med deg i dine skjønne gudstjenester og vil mette den med ditt hellige ord og ditt legemes og blods sakrament og nådig ta imot dens ydmyke takkoffer og se på det som en dyrebær sak, jeg ber for menigheten og ber for meg selv: Fyll våre gudstjenester med din sannhets Ånd, så de kan være gudstjenester i ånd og sannhet, og så at vi kan kjenne at der hvor to eller tre er sammen i ditt navn, der er du selv midt iblandt dem og velsigner dem.
 Gi at vi med åpne hjerter sammen kan høre ditt ord og gå frem i sannheten ved dine hellige apostlers undervisning. Gi at vi sammen kan få motta deg i ditt dyre sakrament og i det eie ditt offer på korset og ditt liv og din rettferdighet. Og gi oss, kjære Herre, vi som tar imot alt fra deg, at vi også bringer deg vårt hjertes offer tilbake, et offer med botens salt, med bønnens og takkens røkelse, med bekjennelsens frukt til frelse, et helhjertet offer, velbehagelig for Faderen på grunn av deg. Gi så at det ved våre gudstjenester kan være et rikt samfunn, du i oss og vi i deg, og vi være ett ved deg, så vi kan smake frelsens glede og den kommende verdens krefter og prise din herlighet i ditt tempel alle vårt livs dager. Amen.
 (Etter «Indledning til prestetjenesten» (1888/1933, ny utg. v. biskop Bjarne O. Weider, 1969. Til innleiinga av denne bønå står Salme 27,4, og Ap.gj. 2,42.)

Kyrkjeleg Fornying

• Kyrkjeleg Fornying
 er eit uttrykk for den kristne kyrkja sine strivningar for å bli mer relevante og levende i vår tid. Det betyr at kyrkja skal vere opne for nye tankar og idear, og at dei skal vere i stand til å møte dei utfordringane som vår tid stiller fram for oss.

• Kyrkjeleg Fornying
 er eit uttrykk for den kristne kyrkja sine strivningar for å bli mer relevante og levende i vår tid. Det betyr at kyrkja skal vere opne for nye tankar og idear, og at dei skal vere i stand til å møte dei utfordringane som vår tid stiller fram for oss.


• Kyrkjeleg Fornying
 er eit uttrykk for den kristne kyrkja sine strivningar for å bli mer relevante og levende i vår tid. Det betyr at kyrkja skal vere opne for nye tankar og idear, og at dei skal vere i stand til å møte dei utfordringane som vår tid stiller fram for oss.

Kyrkjeleg Fornying, sterk inspirasjonskilde for mange prestar og lekfolk frå sist på 60-talet.

Presteordinasjonsritualet, Dnk: Alle prestar har i ordinasjonen for «den allvitande Guds åsyn», biskopen, og kyrkja med løfte og handslag gått inn på å «forkynna Guds ord klart og reint, som det er oss gjeve i den heilage skrifter, og som vår kyrkje vitnar om det i si truvedkjenning...»




Kapellan i Fjell og Vegleiar SKG Bjørgvin og Stavanger, 1999




Med ein trufast ven på Glesvær, 1991




Bud Prestegard, 1986



Visitas i Hustad kyrkje, februar 1989. Biskop Ole Nordhaug, omgjeve av Stiftskapellan Ottar S. Myrseth, og Buapresten.



Bud kyrkje, altaret, Bud Prestegjeld, 1988



Radio har òg vore eit kallsprosjekt. «svennm» live på «Kystnatt», Kystradioen, april 1991. (Foto Jone Nyborg)

Barnedag i Oen

Fisking i Øygarden

Onsdag, torsdag og fredag (12.-14. november) arrangerte "Teamet" barnedagar i Oen Bedehus. Det var omtrent 30 born som kom på samlingane, der me snakka om temaet "får de fisk", song i lag og me "fekk besøk" av Linkus frå Superblinkland som fortalte om Barnas misjonsprosjekt i Peru og samla inn pengar. Utlodning hadde me òg, til inntekt for prosjektet. Fredagen fekk me besøk av Inger Marie Blom, som fortalte oss frå åra ho har hatt i Bolivia

og korleis me kan vera menneskefiskarar her i Norge. På slutten av kvar samling åt me i lag, og lamaen spytta bortover veggjen (den viste oss kor mykje pengar me hadde samla inn.) Det blei over 3000 kroner til Barnas Misjonsprosjekt. Barnedagane blei

avslutta med familiemøte på Vik Bedehus på søn-



dagen. Der var det fullt hus! KRASP var òg med, og dei gleda oss med fin song.

Takk for koselege dagar i Oen Bedehus.

Av Beate Augestad

Skjærgårdsheimen 6-7 kl leir

24-26 oktober var det tid for 6-7 kl leir på Skjærgårdsheimen! Vi var samlet en hel gjeng fra hele Øygarden, og det ble en kjempekjekk helg! Det var mye forskjellig som stod på programmet. Både lørdag og søndag hadde vi bibeltid der vi fikk høre om Paulus – den første

misjonæren. Paulus-filmen fikk vi også se. I tillegg hadde vi bli-kjent-samling, møter, Olympiske leker, morokveld, bingo og kiosk! Det var en kjempekjekk leir, til tross for at vinden og regnet gjorde at vi måtte være mest inne.

Av: Herborg Kari Bondevik Evensen



KONFELEIR!



Fredag 21. november reiste ein kjekk gjeng med konfirmantar på leir til Sætervika. Det vart ei flott oppleving både for leiarar og deltakarar. Veret var strålende med sol og snø, og det passa fint, for Jon Amador og dei andre leiarane arrangerte vinter-OL på lørdagen. Det var skikkelige greier med både OL-seremoni og mange ulike idrettsgreiner. Konkurranseninstinktet var det heller ingenting å seia på, og Beate tente OL-elden med flagrande lyse lokkar...☺

Eit anna høgdepunkt denne helga var underhaldningskvelden. Både konfirmantane og leiarane var kreative og kom med mange morosame bidrag.

Ellers var tema for leiren at "Gud har ein plan med deg!", og vi hadde både andaktar, ord for natta, bibelsamlingar, Josef-filmen, song og musikk. Vi fekk også sjå eit intervju med det kristne pop/rocke-bandet "Delirious". Dei fortalte om korleis dei hadde blitt kristne og korleis dei tener Gud i kvardagen med musikk. Det er ikkje tilfeldig at vi er skapt akkurat slik vi er, og Gud vil bruke oss på mange forskjellige måtar.

Då vi på bussen heimover spurte nokre konfirmantar om dei hadde hatt ein fin tur, var svaret at det hadde vore heilt topp og at dei gjerne ville dra på konfirmantleir til våren igjen også!

Av: Trine Overå Hansen



**Kjøp kjapt,
trygt
og billig**

**KIWI mini
pris**

Søre Sæle

Tlf. 56 38 71 20

Opent man.-fred. til kl. 21.00

Lørdager til kl. 20.00.

**Det er vi
som bygger Øygarden**



Tlf. 56 38 28 00, faks 56 38 28 09

Adr. Påluneset, 5337 Rong

www.th-bygg.no

Øygarden Cafe og Catering Tjeldstø

Har lokale til ca. 100 personer.

Arrangerer bryllup,
konfirmasjoner og andre
tilsvillinger.

Kan levere mat til alle
anledninger.

Middag, koldtbord og smittar.

Tlf. 5638 9380

Inderøy Taxi & Transport

1 - 11 passasjerer

Rullestol

Mobil: 90 59 90 59

BERGEN OG OMEGN BEGRAVELSESHJELP

Teatergt. 20, 5010 Bergen

Tlf. 55 21 44 50

Mobil 917 51 700

- DØGNVAKT
- PARKERING
- BLØMSTER
- MONUMENTER

Vi utfører alt det praktiske eller tilleggs
for gløtende som ønsker å gjøre noe selv.



K.H. Polden
Tlf. 56 33 45 88



Tom Wilson
Tlf. 55 18 50 80



Rossnes Taxi

Magne Ingvald Rossnes.

Tinging av turar på

tlf: 56 38 91 91/ 951 12 634



Åsane Begravelsesbyrå AS

v/Johannes Blom

Vi står til teneste med alt vedr. gravferd

Tertnesvegen 99, 5114 TERTNES

Døgnvakt tlf.: 5518 9000

Gravminner

Leveres ferdig montert med garanti.

Be om katalog og pris.

Skrifthugging og oppussing utføres.



Bjørn Solheimslid

5336 TJELDSTØ

Tlf. 5638 9534 / 4004 1045

Solstrands Begravelsesbyrå



Herman Fossgt. 11, 5007 Bergen

Telefon 55 55 16 16 hele døgnet

E-post: post@solstrands.no

Vår erfaring - din trygghet

Sotra Omegn

BEGRAVELSESBYRÅ

- En del av Koba Christensen gruppen

Ditt begravelsesbyrå på Sotra.

Oppfølging og veiledning i en tung og vanskelig tid.

Vi dekker hele Fjell, Sund og Øygarden

TLF 56 32 08 90 hele døgnet

Skjenet 4, 5353 Straume (samme hus som Ligningskontoret)

Gode lesar

Vi er midt i november og det betyr at no er det tid å tenkje på juleposten. Her i Afrika stig varmen og me frys ikkje.

Eg sit og høyrer på litt julemusikk, sidan dette er ei julehelsing. Vi fekk ein samle-cd for nokre år sidan med diverse julemusikk. Litt nytt og litt gamalt. Det er ein song som slår meg mens eg sit her i varmen. For nokre år sidan gav ulike popartister ut ei plate til inntekt for Afrika. Dei kalla seg -Band Aid- dei syng så frimodig og beklageleg om: -It won't be snow in Africa this Christmas time- (-det blir ikkje snø i Afrika denne jula.-) Heime i Noreg vert vi litt forskrekka om det skulle komme snø på sommaren!! Endå meir forskrekka ville eg vore om det kom snø i Afrika på sommaren!!!! (Ei slik klimakrise får eg håpa vi slepp å oppleve!)

Vi har ikkje snø, men like fullt kjem jula her som i Norge. Litt andre/mindre krav har vi kanskje her enn heima. Det som eg synest er godt, er at det ikkje er snøen som avgjer om det er jul eller ikkje. På mange måtar føler eg at vi er nærmare den første jula her enn i Noreg. Her går det an å forestille seg at hyrdingane er ute og held nattevakt over sauene sine, her er nok av farer i så måte. Ein stjerneklar nattehimmel gjer det ikkje vanskeleg å forestille seg dei vise menn som fylgjer den stjerna som lyste så klart og var så stor. Vi har det godt som får feire jul i Afrika!

Det som i nevnte sang har gitt meg meir å tenkje på er ei anna strofe: -Do they know it's Christmas time at all?- (-Veit dei i det heile at det er jul?-) Mange veit, men du så mange det er rundt her vi bur som ikkje veit at det er jul! Jula er som ein annan dag i året. Det at Gud kom til oss i Jesus er enda ukjent. Kan vi klare å rope ut denne Guds kjærleik? Utan å bruke ord?

Vi er vel på plass i området der me budde sist vi var her. Vi bur godt og har ikkje noko å klage på. Det som var spennande, var om vi ville treffe att dei av våre vener vi forlot for eit år sidan. Mange har vi treft att og så har nokon flytta på seg. Janesh er i full gang med lese- og skriveopplæring. Han dreg rund på motorsykkelen både i byen og rundt her vi bur og pratar med



folk. Når han får høre at ein av studentane hans er sjuk, så dreg han for å sjå til han. Det er viktig om du vil vere ein ven å gå på besøk når den du er ven med er sjuk.

Forutan å undervise David har eg også fått moglegheit til å gje eit undervisningstilbod til kvinnene. Eg tenkte eg skulle vente litt før eg starta, men så kom spørsmålet om ikkje damene også kan få lov å lære å lese og skrive! Så no er eg i gang. Kjekt og utfordrande. Dei vil lære både swahili og engelsk, men endå kan dei ikkje skrive på sitt eige språk. Vi prøver å finne ein middelveg, og med tida kan dei både det eine og det andre språket og kanskje har dei lært litt pluss og minus også. At mødrene får lære, er med å opne for at barna vert sendt til skule i neste omgang, så dette er absolutt ein utfordring med perspektiv.

Vi utanlandsfararane vil ynskje kvar og ein ei gledeleg jul og eit godt og fredfullt nytt år.

Gode helsingar frå Christopher, David, Turid og Janesh Amenia

Nådegåveseminar

«Når det gjeld Andens gåver, brør, vil eg ikkje at de skal vera utan kunnskap om dei» (1.Kor. 12,1)

Velkomne til Nådegåveseminar ved seniorprest Per Fimreite i januar og februar 2009:

Samlingar på **Vik bedehus tirsdagar: 21. januar, 3. februar og 17. februar 2009**

Soknepresten tek del.

I tillegg vert det **Forbøns Gudsteneste i Hjelme**

25. januar 2009 kl. 16:00, og 15. februar 2009 i

Blomvåg kl. 11:00. Begge v/ Svern Martinsen, Per Fimreite og forbønsteam.

Den store lovsongen

Vi minner om evalueringsskjemaet for liturgien som har vore brukt i kyrkjelydane i Øygarden sidan 2004: "Den store lovsongen".

Viser til <http://www.kyrkja.net/euky.htm>

I skjemaet finn de denne saman med Høgmesseliturgien av 1977-1992 som står i Gudstenesteboka. Her er òg ein del bakgrunnstoff. Me håpar de vil ta dykk tid til å sjå på desse og evaluere. Send eller levèr skjemaet til kyrkjekontoret eller legg det igjen i kyrkja.

God jul

Sokneprest, sokneråda og staben i Øygarden prestegjeld vil ynskja alle lesarar av ØyNytt ei signa jul og eit godt nytt år.

Samstundes vil vi senda ei stor **Takk** til alle frivillige medarbeidarar i kyrkje,- kor,- og eldre-arbeid for godt utført arbeid dette året.

Helsar alle med Salme 100,2: Ten Herren med glede, kom fram for han med fryd!



SparebankenVest

- satser på Vestlandet

TIMEBESTILLING 56 38 73 90

trend Anisør

RONG SENTER

Egne priser for pensjonistar
Langøpe torsdag.


Julenytt



Mand-fred 10-18
Lørd 10-16
Tlf. 56 38 86 00
Fax 56 38 85 99

RONG SENTER

Desembertilbud!



**Ansiktsbehandling
med farging av
vipper/bryn, og
forming av bryn!**

Kun 570,-

Ordinær pris: 1000,-

Vi selger gavekort!

**ØYGARDEN
HUD & KROPPSPLEIE**

RONG SENTER
TLF: 56 38 95 15

Velkommen til oss



Catering:

- Smått
- Kaffebord
- Varm Mat
- Boller
- Kaffekaker
- Kaker

Rong Kafe o/s

Tlf. 56 38 74 84




B-P-S Solutripp

v/Arvid Rong 5387 Rong

Tlf. 56 38 74 84 Kundeservice 56 38 71 22

Mobil: 918 56 258



Torsdag 15. januar åpner vi ny flott

EUROSPAR

med 1000m² salgsflate i Rong Senter

De største butikkene i SPAR-kjeden i Norge heter EUROSPAR. I EUROSPAR satser vi sterkt på å gi kundene et godt utvalg i ferskvarer, ferdigmat og et utvidet og grundig varesortiment. I tillegg tilpasser den enkelte butikk varer fra lokale leverandører. Vi skal ha det beste utvalget i frisk frukt og grønnsaker, og enda en viktig ting: Vi har alltid nystekte brød og bakervarer.

Fisk - og ferskvarerpesialisten

Fristende frukt og grønt

Innholdsrik betjent ostedisk

Nydelige nystekte bakervarer

Velsmakende varm mat

Herlig salat - og fruktbar

SPAR Rong Senter

25-årsjubileum på Bibelskulen Bildøy

Nest siste helga i november runda Bibelskulen på Bildøy 25 år. Det vart feira med ein flott fest i Bibelskulehallen med godt over 300 gjestar. Påtroppande generalsekretær i Indremisjonsforbundet, Erik Furnes, var talar denne kvelden.


Bibelskulen Bildøy, som vert nytta til sommarhotell heile sommaren, ligg utruleg flott til ved sjøen og har flott idrettshall og elles lett tilgang til naturen på Sotra. Det er kort veg til Bergen, men såpass langt unna byen at dei får sitt eige miljø ved skulen.

– Dei fyrste åra hadde dei fleste studentane sin bakgrunn frå

Indremisjonen. Dei seinare år har studentar òg kome frå andre miljø, og det har hjelpt oss til å sortere mellom det viktige i kristentrua og det som er meire miljø- og kulturbestemt, seier rektor Arnfinn Norheim, som har styrt bibelskulen dei siste seks åra. – Vårt ynskje er å bevisstgjera ungdom, både som menneske og som kristne, og sjølvsaugt vidare motivere og rekruttere til teneste på ulike nivå i misjonen.

Studentalet er ikkje like høgt no som dei fyrste åra etter at dei flytta skulen frå Bergen til Bildøy, så det vert prioritert å jobbe mykje med rekruttering. Skulen har òg halvårs-studie og kort-kurs, som varer ei veke. Då kan yngre eller eldre

Påtroppande generalsekretær i Indremisjonsforbundet, Erik Furnes, var talar på jubileumsfesten på Bibelskulen på Bildøy.



ta seg ei lita «friveke» og delvis fylgje undervisninga og få fordjupa seg i Guds Ord. Nokre av kortkurs-deltakarane bur på skulen denne veka, medan andre bur heime.

– Vi har erfart, at den beste reklamen får vi med fornøgte studentar, seier rektor, som ynskjer alle øygardingar velkomen til eit godt fellesskap på Bildøy.



- Stort utval av godbiter frå vårt kjøkken
- Moderne bilverksted m/EU-kontroll
- Reparasjon av alle bilmerker
- Moderne vaskehall
- Kaffiavtalen
- Gass



BLOM SERVICECENTER AS

5331 RONG - tlf. 56 38 72 80
Godkjent bilverksted



Installasjon industri, bolig
Datta- og telefonnett
Alarmanlegg
Antenne/parabolantenn
Elektrisk verksted
Elektrisk forretning


TORSVIK ELEKTRISKE AS
Torsteinsvik - 5337 RONG

Tlf. 56 38 50 00
Vaktelefon 922 34 062
www.torsteinsvik.no



Øygarden elektriske as

Tlf.: 56 38 24 40 - Faks: 56 38 24 41
Mobil: 928 41 790
E-mail: post@oygarden-elektriske.no




BUTIKKEN I HELLESØY

5334 HELLESØY ÅPNINGSTIDER :
TLF: 56388008/47755570 MAND.-TORSD.. 900-1800
ORG.NR.984589565 FRED.....900-1900
e-post:hellesoy@ngbutikk.net LØRD.....900-1600

Perspektiv på livet

Som telefonvakt hjå Kirkens SOS kan du bidra til at andre får det betre, samstundes som du får perspektiv på livet.



Vi søker kvinner og menn over 20 år som har orden på livet, tid til å bry seg og lyst til å utvikle seg. Les meir på www.kirkens-sos.no eller ring 55 32 58 45



H Harkestad Betong AS
Utsalg på Straume
Tlf. 56 38 00 70

Betong og betongprodukter
Tlf. 56 38 25 00 - Fax 56 38 25 01
5336 TJELDSTØ



Malvin Harkestad & Sønner AS

Alt i grunn- og betongarbeid
Tlf. 56 38 25 00 - Fax 56 38 25 01

Julehelsing frå ordføraren

Kjære innbyggjarar og tilsette i Øygarden kommune

2008 er snart omme. Me er på veg mot eit nytt år og nye utfordringar. For nokre månadar sidan var det optimisme og gode tider for næringslivet. Dei fleste såg lyst på framtida. No står me framfor ei krevjande tid, med økonomiske utfordringar og ei negativ utvikling for mange bedrifter. Dette vil og påverke kommunen si verksemd i tida som kjem.

Det er likevel slik at Øygarden har økonomiske rammer som set oss i stand til å møta ein del utfordringar.

Det er godt at noko ligg fast, noko som

verkar trygt og godt, noko me kjenner. Slik er det med jula og julebodskapen. Når det svirrar med tal, tap på aksjar og mykje synest vanskeleg, la oss søkja inn til det kjente og trygge, - det trygge som ikkje let seg påverka av kursendringar på børsen.

For mange er jula ei vanskeleg tid, for andre ei høgtid saman med familien. Kommunen yter mange tenester og våre tilsette arbeidar for at alle skal ha det så godt som mogeleg, og i jula.

Eg vil helsa til dykk til alle med eit sterkt ynskje om at alle får ei god jul. Eg takkar og for året som snart er omme og ynskjer alle eit godt nytt år.



Venleg helsing

Olav Martin Vik
Ordførar

«Alfen fortel» - om korleis det var før

Han er 89 år og blind, men Alf Sæle let seg ikkje stogga av det. Han har nyss komen ut med bok om gamle dagar. Boka heiter ganske enkelt «Alfen fortel», og vert seld på biblioteket og på butikken Kleopatra på Rong senter.

Alf Sæle vaks opp i Blomvågen, men bur no på Tednabakkane. Han blir 90 år den 9. mars 2009.

– Eg er heilt blind. Men eg dikterte inn på band, og støttekontakten min, Ivar Skjetne, har skrivne alt ned, fortel han.

Alf meiner at det som er viktig er at du har tanken klar. – Eg har ingenting å klaga over. Om eg ikkje kan sjå sola eller månen, så har eg likevel tankane med meg, seier han.

Rivande utvikling

– Eg har fortalt kva som har hendt dei siste 100 åra. Det er for det meste historia frå Blomvåg, eller Blomøya, der eg budde. Det meste av utviklinga skjedde i slutten av 30-tallet og etter krigen. Og det har eg opplevd sjølv, fortel Alf Sæle.

– Frå 60-tallet og utover har det vore ei rivande utvikling. Mykje er positivt, men ikkje alt. Utviklinga har forandra livet her i Øygarden. Heilt annan kultur. Væremåten har endra seg, og naboskapen har vorten utvatna, fortel Alf.

Tapt kultur

Alfen likar ikkje at ein har tapt så mykje av den gamle kulturen i lokalmiljø. Han trur ikkje alt det nye er så gjevande for bygdesamfunnet.

- Folk samlast på kaien før. No er det sjeldan du ser nokon gå etter vegen. Det er ingen fiskebåtar att. Det er dautt på



Alf Sæle har skrivne ei bok om livet i Øygarden.

sjøen, nausta er tomme og det er ingen som driv gardsbruk lenger, sukker 89-åringen.

– Dei gamle skikkane på gardane vert borte. Dialekten fer same vegen. Mykje framande ord er komen i bruk, spesielt mange engelske ord kjem inn i språket på grunn av oljeindustrien.

Særpreg forsvinn

– Men Blomvågen har enno behalde den gamle gardsstrukturen, fortel Alf. – Det handla om dei fire gardane Søre Sæle, Blom, Dale, Blomvågnes. Det har kome nye hus innimellom, men ikkje så skjemma som andre plassar med nybygg.

- Før var kvar øy eit samfunn for seg. No er alle øyane vorten landfaste. Heile vegen frå by'n er det bruer. Alf Sæle nemner dei på rad og rekke. Sotrabrua, Solsvikbrua, Svelgen bru, Rongesund bru, Ulvsund bru, Osundet bru, Søre Straumesund bru, Nordre Straumesund bru, Nautnes bru. Og då er du komen heilt nord til Hellesøy. (MLA)



Kvar laurdag er det treff på Rong senter. Alf Sæle brukar å ta seg ein tur dit for å treffe folk.

GUDSTENESTER

- 14.des **Hjelme kyrkje kl. 11:00**
Familiemesse v/ Otto Høvik. Nattverd
- 21.des **Blomvåg kyrkje kl. 11:00**
Høgmesse v/ Egil Hjortland. Nattverd
24. des **Tednebakkane Omsorgsenter kl 11:00**
Gudsteneste v/ Svenn Martinsen
- 24.des **Blomvåg kyrkje kl. 14:30** Familiegudsteneste
v/ Svenn Martinsen. Song av Alis Rong
- 24.des **Blomvåg kyrkje kl. 16:00** Familiegudsteneste
v/ Svenn Martinsen. Øygarden Gospel syng
- 24.des **Hjelme kyrkje kl. 16:00** Familiegudsteneste
v/ prost Erling Kopperud. Belinda Hellesund Tomic vert
med på kornett
- 25.des **Hjelme kyrkje kl. 12:00**
Høgmesse v/ Svenn Martinsen. Nattverd
- 26.des **Blomvåg kyrkje kl. 12:00**
Høgmesse v/ Svenn Martinsen. Nattverd
- 01.jan **Hjelme kyrkje kl. 12:00**
Høgmesse v / Svenn Martinsen. Nattverd
- 04.jan **Blomvåg kyrkje kl. 11:00**
Familiemesse v / Svenn Martinsen. Nattverd
- 11.jan **Hjelme kyrkje kl. 11:00**
Familiemesse v/ Per Fimreite. Nattverd
- 18.jan **Blomvåg kyrkje kl. 11:00**
Høgmesse v/ Svenn Martinsen. Nattverd
- 25.jan **Hjelme kyrkje kl. 16:00**
Forbøns gudsteneste v/ Svenn Martinsen og Per Fimreite.
- 01.feb **Blomvåg kyrkje kl. 11:00**
Familiemesse v/ Svenn Martinsen. Nattverd.
- 08.feb **Hjelme kyrkje kl. 11:00**
Familiemesse v/ Per Fimreite. Nattverd.
- 15.feb **Blomvåg kyrkje kl. 11:00**
Forbøns gudsteneste v/ Svenn Martinsen og Per Fimreite
- 22.feb **Hjelme kyrkje kl. 11:00** Høgmesse. Nattverd

Julekonsertar i kyrkjene

Torsdag 11. desember:

Blomvåg kyrkje kl. 19:00 – Rong Brass.

Søndag 21. desember: Hjelme kyrkje kl. 17:00.

Vi syng jula inn. Der vert Familiiekoret,
Øygarden barnekantori og Øygarden gospel med.

Søndag 21. desember: Blomvåg kyrkje kl. 19:00.

Vi syng jula inn. Der vert Lyskastaren
barnekor, Jubelkoret og Øygardskoret med.

Bokhandelen som setter kristen
litteratur og musikk i fokus



Bok & Media, Vestbok

Vestludstremmenningen
Tel: 56 31 74 63
post@vestbok.no
www.vestbok.no

KYRKJELEGE HANDLINGAR

Døypete

Blomvåg:

Anna Ødegård Vik, Loddefjord
Kasper Dale Jentoft, Veslevarden
Robin Diego Nautnes, Knappen
Milla Leonora Harkestad, Oen
Nicklas Joel Knarvik, Tromsø

Hjelme:

Adrian Solvang Berntsen, Nautnes
Tuva Heggholmen Loftås, Tjeldstø
Håvard Helle-Johnsen, Bergen

Døde

Blomvåg:

Steinar Sperstad, Blomvåg
f. 1953
Astrid Sigrid Dale, Blomvåg
f. 1926

Hjelme:

Margit Hermine Hovden, Svellingen
f. 1923

TIL LUKKE

70år:

18.des Erling Andreas Torsvik, Torsvik
20.des Kirsten Rong, Austemarka
28.des Ingebjørg Sæle, Nordre Sæle
02.jan Harald Andreas Torsvik Monsen, Torsvik
29.jan Berit Jansen Breivik, Breivik
02.feb Henning Ebbesen, Toft
12.feb Sigrunn Bjørg Dale, Dale
21.feb Trygve Johan Oen, Oen
23.feb Arvid Tornøe, Nautnes

75 år:

19.des Borghild Leonora Mikkelsen, Knarvik
08.jan Jenny Hellesund, Hellesøy
17.jan Vivian Linnea Sulen, Oen
03.feb Birger Alf Torsvik, Søre Sæle
22.feb Else Miranda Mørner, Søre Sæle
24.feb Otto Harald Lyngøy, Lyngøy

80år:

14.des Roald Johan Renså, Bakken
16.des Mons Henry Knappen, Hellesund
09.jan Sigrid Torsvik, Knappebrekka 12
13.feb Marta Haugetun, Rong
27.feb Malvin Nikolai Rossnes, Rossnes

85år:

18.des Judit Marie Hatten, Sture
29.des Martha Magdalena Sæle, Hjelmetunet
13.jan Klara Marie Abbedissen, Oen
21.jan Agathe Nautnes, Nautnes
28.jan Brita Johanna Myhre, Hatten
09.feb Sverre Martin Sæther, Blomvågnes

90 år:

31.des Margit Konstanse Dale, Flåten

Vi formidlar blomster til innland og utland




Blomsterbua

Rong senter
Telefon: 56 38 92 65
Postboks 107, 5331 Rong

Returadresse:
ØYNYTT
Boks 144
5331 RONG

B

NORGE



Barnekoret Lyskastaren song på Rong senter



Tradisjonen tru hadde barnekoret Lyskasteren også i år sangkonsert på Rong senter lørdagen før 1. søndag i advent. Det var mange foreldre og søsken som hadde funne vegen til senteret for å høyre på dei glade borna, som skapte julestemning med sin vakre sang. Koret vart leia av Lars Arne Vik.



Støttekontaktar og «Øynytt-rosa».

I mitt arbeid som rehabiliteringskonsulent i Øygarden kommune, møter eg mange flotte menneske. Av desse er det nokon eg møter ofte som har eit engasjement som har gjort sterkt inntrykk på meg. Dette er støttekontaktane våre. Dei gjer ein stor innsats for at andre menneske skal få ei meir meningsfull fritid. Støttekontaktane er tilsette som oppdragstakarar på kontrakt, og oppdraget dei får kan variere veldig. Nokon er saman med andre på faste aktivitetar og andre er kvar for seg. Dei som får støttekontakt er svært forskjellige både i alder og behov. Det som er fellesnemnaren for støttekontaktane er at dei er villig til å bruke tida si

på å gjera kvardagen betre for andre menneske.

Dette er ei gruppe i vår kommune som er nokså usynleg, men jobben dei gjer er av stor verdi og kan utgjera heile forskjellen i nokre menneske sine liv.

På grunn av at eg ser dette, har eg lyst til å gje alle støttekontaktane i Øygarden kommune «Øynytt-rosa» og seie:

Takk for at de er der og for innsatsen de gjer!



Med Helsing
Anne Sissel Oen
Rehabiliteringskonsulent